

# *KHANTŠA LESELI*

 Ho lokile. Na ona ke ona... [Moena e mong o re, “*Ona* ke maekerofounu oa hau.”—Mohl.] Ona ke oa sehlooho? Kea leboha, monghali. [“*Ona* ke maekrofounu o phelang.”] E, monghali. Ho lokile. Ke a bona ba ne ba khutleloa ke molumo morao mono, ’me ka hona... Malume hoseng, metsoalle. Na lea nkutloa hantle morao moo? [Phutheho e re, “E.”] Hoo ho e emisitse. Kea leboha.

<sup>2</sup> Ruri ke motho ea lehlohonolo, hoseng hona, ho tla mona kalaneng ena, ka mor'a mapaki a hlomphehang joalo; ho leka ho—ho phaella nakoana feela ho seo ba se buileng, ho re tlisetra mahlohonolo joalokaha re ile ra natefeloa ke ’ona hoseng hona. Joale, ke hlokometse hore ba bang ba bona ba ne ba hlile ba...

<sup>3</sup> [Morero o holisang mantsoe o hlahisa molumo o neeletsanang. Moena e mong o re, “Ke nahana hore re tla tlameha ho o beha, ona, mahareng, Moena Branham.”—Mohl.] Ho lokile, monghali. Na hoo ho betere?

<sup>4</sup> ‘Moho le ba banna ba bang mona, kamoo ba buileng, ’me mong le e mong o batla a... Be, e mong le e mong holimo mona o hlile o ntšitse bopaki bo khanyang, bo khabane. Ke ananela seo hakakang, bopaki bo botle boo bakeng sa Morena!

Joale re tla atamela Lentsoe.

<sup>5</sup> ‘Me ’na, vekeng ena, ke rerile pelong ea ka ho se tšoarelle batho lihora tsena tse peli kapa tse tharo, ba lutse, ba ’mametse. Ke tla le bolella lebaka ha ke—ke etsa hoo, metsoalle. Ha kea ruteha, ’me nka bua feela ka pululelo. Joale, monna oa thuto, ha a bululetsoe, le eena; empa a ka hhalosa ka thuto ea hae, seo a buang ka sona, ho hlahisa mantsoe a tla tsebisa batho seo a buang ka sona. Kastle ho thuto, ke tlameha ho nka lipapiso tsa tlhaho le ho hhalosa ka tšusumetso eo ke nang le eona. ‘Me hoo ho e thatafatsa haholo, ka linako tse ling, hore batho ba utloisise ruri. Re fumana e kile ea ntšoenya haholo ho fihlela ke fumane ka Bibeleng hore Molimo o sebelitse joalo, ka mekhoa e tšoanang.

<sup>6</sup> Re a eellooa, joaloka Johanne Mokolobetsi, athe koana ha re a tšoara rekoto ea thuto ea hae, ’me ebile, mohla a—mohla a tsoileng lefeelleng, a qala ho bua le e—e... phutheho ea hae, kereke ea tsatsi leo. ‘Me re hlokomela kamoo a e hhalositseng. O itse, “Lona malinyane a linoha.” Le a bona, ke seo a neng a se tloaetse, tlhaho le lefeelleng; ka mantsoe a mang, ntho e thellang le e nyekenyehang, le e thetsang. Joale, monna e mong a ka be a theotse lentsoe la mofuta leo a le boletseng “baikhakanyi” kapa lentsoe le leng ho hhalosa seo. Empa Johanne o sebelisitse lentsoe “noha.” Ke nahana hore e mong le e mong o utloisisitse seo a buileng ka sona.

<sup>7</sup> Kahoo a re, “Le se ke la qala la re ka ho lona, hore, ‘re setho sa *sena* ‘me re setho sa *sane*,’ hobane kea le bolella, Molimo o bokhoni ka majoe ana,” le a bona, le a bona, e seng ntho e itseng e kholo. “Molimo o ka khona ka majoe ana.” O e hlalositse tlhahong.

<sup>8</sup> ’Me, hape, “Selepe se beiloe motsong oa sefate.” Moena e mong ea rutehileng, ka pululelo eona eo, a ka be a itse, “O tla timeletsa.” O itse, “Selepe se motsong oa sefate.” Hoo ho a se timeletsa, le hona, le a bona, ka hona o—o tsebile hoba ho joalo. O ne a lhahisa lipolelo tseo feela, hoba mohlomong a e-so kene sekolo.

Ha re inamiseng lihloho tsa rona motsotso feela.

<sup>9</sup> Mona ke tšoere likopo tsa thapelo. Etsoe, eo e le tšebetso ea ka, ho rapella bakuli. Ke tšoere likopo tse ling ka mona, tse ling ke likopo tse ikhethang haholo. ’Me ke a tseba li ngata ka mona. ’Me ba bang, ha ba le teng hoseng hona, ba ratang ho hopoloa? Be, ha u ka phahamisetsa matsoho a hau ho Molimo, ho re, “Ke . . .” Joale bolokang likopo tsa lona feela re sa rapela.

<sup>10</sup> Ntata rona ea Maholimong, joale re atamela Khalalelo ea Hau, ka Lebitso la Ngoana oa Hau ea Halalelang, Morena Jesu, ho kopa thapeliso ena, ea e mong le e mong oa batho ba ngotseng likopo tsa bona, eo ke e tšoereng mona letsohong la ka. Haholo-holo moralinyana, e motle oa ngoaneso ea lemetseng kotsing eo. Ke rapella ngoana eo, Morena. ’Me ke rapella likopo tse ling tsohle. Le tsa sephiri ho rona joale, feela ho bao ba phahamiseng letsoho la bona; empa Uena u Molimo mohlokapeletso, ’me U tseba sepheo se sang le se sang le likopo tsohle tsa rona. Re U rapela ho araba. Hobane U e tšepisitse, re a e lumela.

<sup>11</sup> ’Me re U kopa joale ho nka mantsoe ana a ’maloa ao re tla a bala, le ho a bululela ho rona, Morena, ha re ntse re U emetse. Moea o Halalelang o atamele e mong le e mong, le ho re senolela tlhaloso ea Lentsoe. Hoba re e kopa ka Lebitso la Jesu. Amen.

<sup>12</sup> [Moena e mong o re, “Moena Branham, na re ka etsa teko ho bona haeba e tla sebetsa?”—Mohl.] E, monghali, moena, etsa joalo feela. Ho lokile. Ke sa reteleha joale, ke na le e . . .

<sup>13</sup> Ke ne ke tloaetse ho hopola Mangolo a ka le lintho, ke sa nka e—e noutu, empa ho tloha ke tlotse mashome a mabeli a metso e mehlano, ha e sebetse hantle hakaalo. Ke tlameha ho e hopola ka ho e ngola. Joale tla . . .

<sup>14</sup> Na hoo ho betere? Na le utloa hantle ho feta? Che. Ka morao, ba sisinya lihlooho. Mohlomong . . . [Moena e mong o re, “U tlameha ho ema hantle ka pel’ a eona.”—Mohl.] Ho tlameha ho ema . . . [“Hantle ka pele.”] Ho lokile. ’Me sena se ka ba joang tjena, na le ka utloa seo? Ho thoe’ng ka seo, ho betere? Hantle. Ho hotle.

<sup>15</sup> Joale ke lakatsa ho hulela maikutlo a lona ho—ho Esaia 42:1-7, le ho Mattheu 4:15-16.

*Bonang mohlanka oa ka, eo ke mo tiisang; mokhethoaa ka, eo moea oa ka o khahlisoang ke eëna; ke behile moea oa ka holim'a hae: o tla tlisetra Balichaba kahlolo.*

*A ke ke a hoeletsa, kapa a phahamisa lentsoe, kapa a etsa hore lentsoe la hae le utluoe seterateng.*

*Lehlaka le peperaneng a ke ke a le roba, . . . a ke ke a tima lebone le kubellang: o tla hlahisa kahlolo ka 'nête.*

*A ke ke a fokola leha e le ho tepella, ho fihlela a behile toka nqa lefatšeng, 'me lihlekehleke li tla lebella molao oa hae.*

*Ho itsoe ke . . . MORENA, ea entseng maholimō, ea a phutholotseng; ea alang lefatše, le tse tsoang ho lona; ke eena ea neang sechaba se holim'a lona bohobe, le moea ho ba tsamaeang ho lona:*

*'Na MORENA ke u bitsitse ka ho loka, ke tla u tšoara ka letsoho, . . . ke tla u boloka, 'me ke u nee ho ba selekane sa sechaba, leseli la Bachaba;*

*Ho bula . . . mahlo a foufetseng, ho ntša . . . batšoaruo ba literonkong, le ba lutseng lefifing ho tsoa . . . ntlung ea chankana.*

<sup>16</sup> 'Me joale ho Santa Mattheu 4, ho qala ka temana ea 12, re bala sena.

*Eitse ha Jesu a utloa hobane Johanne o kentsoe teronkong, a tloha a ea Galelea;*

*. . . a tloha Nasaretha, a tla a aha Kapernauma, e lebōpong la leoatle, moeling oa Zabulone le Nefthali:*

*Hore ho tle ho etsahale ho boletsoeng ke moporofeta Esaia, ha a re,*

*Lefatše la Sabulone, le lefatše la Nefthali, tseleng ea leoatle, mose oa Jordane, Galelea oa Lichaba;*

*Sechaba se neng se lutse lefifing se bone leseli le leholo; 'me leseli le chabetse ba neng ba lutse linqalang tsa moriti oa lefu.*

*Ho tloha mohlang oo Jesu a qala ho ruta, . . . ho re, Bakang: hobane 'muso oa maholimo o atametse.*

<sup>17</sup> Morena a hlohonolofatse Lentsoe la Hae! Joale sehlooho sa ka hoseng hona ke: *Khantša Leseli.* 'Me kapele kamoo nka khonang, le tle le tsöele taetso eena e latelang joale, eona e tla ba metsotsong e ka bang mashonne-hlano.

<sup>18</sup> Le a tseba, Mongh. Mc Anally, kea kholoa o teng. Ke bone teraka ea hae kantle. Nakoana e fetileng, re ne re lutse, ho le leng la maeto a ka a pele mona Arizona, ho ea tsoma. Re ne

re lutse kantle mona haufi le Thaba Tumelo-Khoela. E le khale ke utloetse ka eona, le ho utloa litšomo tse ngata li phetoe ka Tumelo-Khoela. Ke sa hopola ke ntse ke e batla, khetlo la pele; e le pele letsatsi le chaba, 'me ka bochabela ho 'na ho leketlile seriti se seholo sa sethotsela, se neng se tsebjoa e le Tumelo-Khoela. Ke ne ke utloetse ka Maindia, ba ne ba sa e atamele, ba hlile ba tšaba, kamoo Masepanishi a kileng a ba tšoara hampe litšiung tsa pele ba tsomana le gauta. Ba boletse meeaa e mebe e ne e bobile ho eona. Tsena tsohle tsa raosa thahasello ea ka. Empa ke ne ke tšoere toche feela, ho bona Tumelo-Khoela, pele.

<sup>19</sup> 'Me ka ema ho fihlela, kamora nakoana, motlotlehi letsatsi a qala a solla holim'a lefifi. 'Me hoba le etse joalo, la arola lefifi ho leseli, 'me la chechisa lefifi ka santhao. Qetellong, la fafohela boholong ba lona, koana holim'a qhooea ea thaba, 'me la bontša feela seo Tumelo-Khoela e neng e le sona. La bonesa 'me la bontša seo e neng e le sona. 'Me lithotsela tsohle le litšabo tsa ka tsa Tumelo-Khoela, ha letsatsi le ne le chaba ka matla a lona, ntho eohle ea baleha.

<sup>20</sup> Letsatsi ke khosi ea maseli 'ohle lefatšeng lena, maseling a tlhaho. Ho sa tsottelehe na re kokositse leseli le le kakang la maiqapelo, na re ka hlahisa mahlasel a mangata hakae a maholo a motlakase; ha letsatsi leo le chaba, a mang kaofela a rothofala.

<sup>21</sup> Ho a tšoana le ka Lentsoe la Molimo. Ha Lentsoe la Molimo le hla, litumelo-khoela tsohle, bohlanya ba mokha oa phutheho le lintho tse joalo, bo a phasa-phassa, 'me le pepesa hantle feela seo e leng sona. Molimo, tšimolohong, o itse, "Leseli le be teng." Leseli le hla, feela, Leseli la 'nete, Leseli la khosi, le tlisoa ke Lentsoe la Molimo. Molimo o arotse leseli ho lefifi, tšimolohong. 'Me Lentsoe la Molimo, le bonahalitsoeng, kamehla le arola Leseli ho lefifi.

<sup>22</sup> Batho ba ka hla, ka *sena, sane*, kapa se *seng*;mekha e ka ropoha, Bokomonisi, Bofasime, 'me ho ka hla, mekha e meng eohle; litumelo-khoela, lihlotšoana tsa bokhelohi, e kang bang eng, li ka hla. Empa ha khosi Leseli leo la Bibele le phahama, litumelo-lumela tsohle le lintho . . . Empa, le a bona, re a tseba le teng, empa ho fihlela Le netefatsoa, le paka Leseli la Lona; joale ha re na tokelo ho pheha khang ka Hono, hoba Le tima leseli le leng lohle kantle. Jesu o itse, "Lentsoe la motho e be leshano, la Ka ebe 'Nete." Lentsoe la Hae le okametse mantsoe 'ohle a motho, le holim'a tsohle, ntho efe. Lentsoe la Oona ke Leseli.

<sup>23</sup> 'Me re a tseba hore tšimolohong ho tlamehile ho be ho ne ho le moholi le lerootho le lefifi, ha lefatše le ntse le phethoha, 'me eaba Molimo o tsebile hoba O ne o hloka leseli. joale, peo ea Hae e ne e se e le lefatšeng, hoba O ne o e lemile mono. Joale O ne o hloka leseli ho hlahisa peo eo, ho phelisa peo eo, hoba peo e ne e se e le teng.

<sup>24</sup> Joaloka ha ho etsahala mongoaheng o mong le o mong, Molimo o re boleletse pele se neng se tla etsahala mongoaheng o mong le o mong. Ntho feela eo O e hlokang ke ponahatso ea Leseli la Molimo holim'a Lengolo leo, ho le phelisetsa mongoaha oo. Feelā . . . ? . . . 'Me e tla phethisa haeba Leseli le ka finyella Lentsoe. Haeba Lentsoe le melisitsoe, Le tla e phelisa haeba e le tsepiso ea letsatsi leo.

<sup>25</sup> U ka jala koro khetlo le leng, kapa tlhaku khetlo le leng. Tse ling li lenama ho feta tse ling, hobane e itsetlehile nakong ea sehla.

<sup>26</sup> Lentsoe la Molimo le tla ka sehla, molao le mohau, le joalo-joalo, joaloka ha re haotse re theoha le mengoaha. 'Me, nako le nako, le bonesoa ke ponahatso ea Leseli le hasakanyang e—e Bophelo bo ka har'a Peo.

<sup>27</sup> Ka Lentsoe la Molimo, letsatsi le chaba kajeno, hoba lona letsatsi leo re le thabelang ke Lentsoe la Molimo le bonahatsoang. Eona khanya ena ea letsatsi eo re e bonang kantle ha se letho haese Lentsoe la Molimo, mohla O neng o re, "Leseli le be teng."

<sup>28</sup> 'Me ho ka thoeng hoja O itse, "Leseli le be teng," 'me leseli le sa hlaha? Joale e ne e se Molimo o buileng. Ha Molimo o re, "Ho hlahe hore," ho tla ba joalo. 'Me ka hona re fumana letsatsi leo re le thabelang joale e le ponahatso ea Lentsoe la Molimo le builoeng ho Genese.

<sup>29</sup> 'Me rea eleloa hore Leseli la Molimo la letsatsi ke Mora oa Hae. Le leng e ne le l-e-t-s-a-t-s-i; lena ke M-o-r-a. M-o-r-a ke Bibele. E ne e le . . . "Lentsoe le ne le tsimolohong teng, Lentsoe le ne le le ho Molimo, 'me Lentsoe e ne e le Molimo." Baheberu 13:8, "E sa le eena maobane, kajeno, le kamehla." Ke Lentsoe la Molimo, kamehla. E ne e le Kreste ka ho Nohe. E ne e le Kreste ka ho Moshe. E ne e le Kreste ka ho Davida ea ileng a lelala, e le morena ea khesuoeng, a nyarela holim'a motse; teng, lilemo tse makholo a robeli hamorao, Kreste o ne a lutse mono a llela motse, e le Morena ea lahluoeng, joaloka Davida. Kamehla ke Moea oa Kreste. 'Me ponahatso e tletseng ea Lentsoe la Molimo e tsebisitsoe ka Jesu Kreste, Moea oa Molimo.

<sup>30</sup> Ha ho bophelo bo ka hlhang leseli le le sieo. Leseli le a hlahaha; leseli le hlahaha bophelo. Ho ke ke ha eba le bophelo—bophelo leseli le le sieo, ba tlhaho kapa ba moea. Ho tlameha joalo.

<sup>31</sup> 'Me Leseli le ka tla feela ka Lentsoe la Molimo. Lentsoe la Molimo ke Leseli ha Le bonahatsoa. E mpa e le Peo e robetseng mona, joaloka ha Molimo a lemile lipo tsohle.

<sup>32</sup> Mebele ea rona e ne e le lefatseng pele ho . . . be, be, le pele leseli le eba teng mona, bophelo bofe mona, kapa letho lesele; k'halsiamo, potashe, petroliamo, le leseli la k'hosmiki, eng feela, e neng e le teng mona—e ne e le teng mona mohla Molimo o neng

o bōpa lefatše. Ho nkile Lentsoe la Oona feela le builoeng ho e hlahisa, joalokaha ho entsoe ka bophelo ba limela, kapa bophelo ba sefate, eng, kapa bophelo bofe feela bo tlang ho ba teng.

<sup>33</sup> Ha ho letho le ka phelang, ka tlhaho kapa ka moea, kantle ho Leseli la Oona, 'me Lentsoe la Oona ke Leseli le Bophelo.

<sup>34</sup> Empa ha O romela Leseli la Oona 'me Le tsebisoa batho, 'me Le ntoo latoloa, joale ho ka thoeng kahoo? Ke seo re batlang ho bua ka sona hoseng hona, ke: ho hanelia Leseli lena, bao Le rometsoeng ho bona, ho hanelia joaloka ha ho etsahetse mohlang oo. "Bonang mohlanka oa Ka, Eo Ke khahlisoang ke eena." Ke Leseli ho Balichaba. Ke Leseli ho lefatše. E ne e le Leseli la lefatše, empa O ile a haneloa. Ke karolo e bohloko eo.

<sup>35</sup> 'Me maemo ao a ipheta nako le nako ha Molimo o bonahatsa Leseli la Oona, lefatše ka bolona le hanelia leseli leo. Hobaneng? E ngotsoe hantle ka har'a Bibebe. Mongoaha ka mong, Molimo o abetse mongoaha ka mong Lentsoe la Oona le le kaalo, 'me kamehla O romela motho ho bonahatsa Lentsoe leo.

<sup>36</sup> Jesu o ne a porofetiloe ka lilemo tse likete tse 'ne, hore O tla fihla, Messia. 'Me eareha A fihla, O bonahalitse tsepiso e 'ngoe le e 'ngoe ea Messia. Empa koana batho ba lefatše, likereke, le ba joalo, keha ba sa tsebe letho ka Eena, ka hona, kahobane ba ne ba kene nthong e ba sitisitseng ho tseba Hona. Joale ho ka thoeng haeba e—monna feela . . .

<sup>37</sup> Re tla nka karolo ea tlhaho. Ho ka thoeng holane motho, ea tsoaletsoeng ho tsamaea mona khanyeng ea letsatsi leo, seo Molimo o mo bopetseng sona, 'me, ntho ea pele u a tseba, o koala mahlo a hae, o titimela phaposing mokatong o ka tlaase, o khahlela lemati, a theole lesira, ebe o hana ho ela hloko hore letsatsi le a chaba? O hana menyetla ea lona. O latola mahlaseli a lona a futhumetseng, mohloli oa lona o phelisang. O latola lesedi leo le jaloang ke lona hore a tle a bone moo a eang teng, le moo a tsoa teng. O latola seo. U ka reng ho motho ea theolang masira, kapa ea titimelang phaposing mokatong o tlaase a ntoo thibella leseli lohle kantle, hohle, le ho hana feela ho elelloa hore letsatsi le ne le chabile? Phoso e teng kelellong ea motho eo. Mang le mang o tseba seo. Kelello ea tlhaho e tla u joetsa hore phoso e teng ka motho eo, hore o a, o a—o a . . . O hlahetsoe ke ho hong. O timeletsoe ke ho bea mabaka.

<sup>38</sup> Be, ho joalo le lihoreng tseo re phelang ho tsona, ha motho a itinketsa ka—ka boitatolo ba mofuta, ho lemoha ruri Leseli la Evangeli ha Le chabile joalokaha Le etsa kajeno. Motho ha a Le furalla ka boomo, a chobelaa nthong ea mofuta 'me a theola lesela, ho re, "Ha ke Le lumele," phoso e teng ka motho eo. Ha ho mokhoa feela oa ho e koekoetla. Phoso e teng. Ntho e mo hlahetse. 'Me re fumana ho le joalo, ntho eo e ngata kajeno.

<sup>39</sup> Joale, Jesu e ne e le mapaki a baporofeta bohole ba neng ba bululetsoe. 'Me boporofeta bohole ba bona bo ne

bo bonahatsoe Leseling mongoaheng oa Hae, bo kileng ba porofeteloa mongoaha oa Hae. O hotelitse kandelare e 'ngoe le e 'ngoe ea Lentsoe le neng le le ka Bibeleng, le neng le porofetiloe ka Eena. "Moroetsana o tla emola." O entse joalo. Ho lokile. "Lebitso la Hae o tla bitsoa Moeletsi, Khosana ea Khotso, Molimo o Matla, Rabosafeleng." E ne e le eena. "'Me mahlo a lifofu a tla bona." A entse joalo. Ntho eohle e kileng ea porofetoa ka Eena, e etsahetse mohla A neng a fihla lefatšeng.

<sup>40</sup> 'Me hobane'ng batho ba sitiloe ho bona seo, e ne e le... E bonahala e re makatsa joale, hobane re sheba morao ka seipone-sa-morao. Empa na u tsebile le ka mohla, haeba u lula u hetla morao joalo, u tla hlaheloa ke kotsi? Tloong re shebe se ka pele bakeng sa rona.

<sup>41</sup> Ke seo ba neng ba se etsa. Lebaka leo ba entseng hoo, hoba ba ne ba phela liphalaneng tsa leseli le leng. Ba ne ba phela liphalaneng tsa leseli la letsatsi le leng.

<sup>42</sup> Me ke lumela e lona lebote la lefatše kajeno, metsoalle, ke hobane re leka ho phela liphalaneng tsa leseli le chabileng letsatsing le leng. Liphalana ke leseli la bohata.

<sup>43</sup> Joaloka lereli tseleng. Ha re theoha tseleng re bona lereli. Ke kutloiso e fosahetseng ea letsatsi. 'Me ha u fihla mono, ha e-so hlahise letho haese ntho ea bohata. Hobane, u ke ke ua tsamaea ka liphalana tsa letsatsi, hobane ke lereli, ka mehla le u bontša ntho eo ho seng letho ho eona.

<sup>44</sup> 'Me ha batho ba leka ho u bolella hore Jesu Kreste ha se eena maobane, kajeno, le kamehla, ba o tataisetsa lereling. Ke phetho. 'Me ha u kena kerekeng 'me o ingolisa kerekeng, tumeloana e batang ea mofuta kapa ntho e kang eo, ha ho letho mono, ha se fetise seo u kileng oa se tšoara lefatšeng.

<sup>45</sup> E-re ke u bolelle. U se ke oa hanela Leseli la Evangelie ea Jesu Kreste, le tlisang mahlaseli a mofuthu a Moea o Halalelang holim'a hau, a u etsang sebopua se secha ho Kreste Jesu. U se ke oa leka ho tsamaea liphalaneng tse itseng tsa mongoaha o mong. Joale, liphalana tseo ekaba li ne li itoketse mongoaheng o mong, e ka ba li ne li ba loketse.

<sup>46</sup> Ho pakiloe joalo letsatsing la Morena oa rōna Jesu. E ne e le Leseli la Mangolo la letsatsi leo. E ne e le Leseli. E ne e se Leseli ho fihlela A fihla lefatšeng ho netefatsa Lentsoe la tšepiso. Le a tseba, O boletse mono, "Johanne e ne e le leseli le phatsimang, 'me le ratile ho tsamaea leseling la hae ka nakoana."

<sup>47</sup> Ruri, hobane Johanne o ne a porofetiloe ke Esaia, lilemo tse makholo a supileng a leshome le metso e 'meli pele a tsoaloa, ho re, "Lentsoe la ea tla hooa feelleng." 'Me hape le Malakia, oa ho qetela oa baporofeta, lilemo tse makholo a mane pele ho ho fihla ha hae, khaolong ea 3 ea Mal-... ea Malakia, o itse, "Bonang, Ke roma lenqosa la Ka pel'a sefahleho sa Ka, ho lokisa tsela."

<sup>48</sup> Johanne ke enoa o ne le lefatšeng, a phelisa Lentsoe leo le ngoliloeng. E ne e le lentsoe la ea hooang feelleng, 'me kamehla o ne a... hape o ne a hleka tsela pele ho Messiah. 'Me Jesu a re, "Le ratile ho tsamaea leseling la hae, hobane e ne e le leseli leo, le khanyang, le phatsimang."

<sup>49</sup> 'Me Johanne, o itse, "Joale ke tlameha ho boba, leseli la ka le tlameha ho tima, hobane (hobaneng?) ke sebelitse nako eo ke profetiloeng ka eona. Mo utloeng! Ke Eena. Mo late leng." Ho phela rhona letsatsing leo, ho pakile sena.

<sup>50</sup> Joale, Bajuda ba ne ba rapela Leseling la 'nete. Ba hopotse ba ne ba rapela, 'ona Molimo ona oo ba neng ba o hanelia. Eena eo ba hopotseng ba ne ba o rapela, ba ne ba o thakhisa. Ba ne ba soma 'ona Molimo, 'me ba Mo etsa sesomo bathong, 'ona Molimo oo ba neng ba hopotse ba o rapela.

<sup>51</sup> A nke ke bue taba ena ka hlompho le boikokobetso, empa ho tlisa Leseli, hobane, joaloka ha moena oa rōna a buile nakoana e fetileng, nako e palamane ho feta kamoo re nahanang. Le leng la matsatsi ana ntho e tla etsahala, e tla be e le morao haholo. Batho ba tla nka letšao la sebata, ba sa tsebe esita le seo ba se etsang. "Lifofu tse tataisang lifofu, li oela tsohle selomong," Jesu o boletse. 'Me re phela morao nakong ho feta kamoo re nahanang. Batho ba bangata ba tšepehang ba sala seo morao, ba sa tsebe esita le seo ba se etsang.

<sup>52</sup> Empa hora e atametse mohla Leseli le chabileng, Leseli la Evangelii, ka matla a Lona a tsoho ea Jesu Kreste, ho Iponahatsa hore Jesu Kreste esale eena maobane, kajeno, le kamehla. Taba eo O e baletse letsatsi lena. Lintho tseo A li tsepisitseng letsatsi lena li tlameha ho etsahala letsatsing lena. Haeba kereke e sa Le amohele, Molimo o khona ho tsosetsa Abrahama bana le ka majoe ana. O tla fetisa Molaetsa oa Hae, hobane O e entse kamehla. O tla e etsa kamehla.

<sup>53</sup> Batho ba nahanang hobane ba tsamaea Leseling, meetlo ea bontate, 'me, ntho ea pele le a tseba, ba tsamaea liphalaneng tsa leseli, ha se Leseli le tšoanang, ho hanelia lona Leseli leo ba ipolelang ba le rapela.

<sup>54</sup> Mesebetsi ea Hae e netefalitse ka ho hlaka hore E ne e le Mang. Jesu o itse, ka Sebele, "Batlisisang Mangolo, hoba ho Oona le lekanya hore le na le Bophelo Bosafeleng, athe Ke Oona a pakang ka 'Na. Ke mang ea ka Nqosang ka sebe?" A re, "Ke mang ea ka pakang hore Ke buile letho, kapa tseko efe eo Ke e entseng, eo Ntate ea Maholimong a sa kang a e netefatsa ka 'Na?" O le paketse hore E ne e le Leseli la hora, hobane hohle ho ne ho porofetoe ha thoe Messiah enoa o tlameha ho ba ka tsela ena, 'me mona le rutulohela Bophelong mona, empa meetlo ea bona e ne e ba arotse Leseling la sebele la Lentsoe.

<sup>55</sup> Bafarisi, Basadusi, Baheroda, le eng feela, ba ne ba futahantse lefatšeng haholo, joaloka ha ba entse mengoaheng

eohle, ba ba ba sitoa ho bona Leseli la sebele. Le foufatsa mahlo a bona. Ba kile ba tsamaea har'a liphalana, "Letsatsi le hlahlamang e tla *sena*, 'me hosane e tla ba *sena*. Re tla ingolisa le *sena*, 'me e tla ba *sane*. Re tla ingolisa le *sane*." Re e fumana e le lereli la bohata.

<sup>56</sup> Jesu Kreste o tiile hakaalo feela kajeno, pelong ea motho, joaloka ha A entse le mehla. Matla a Hae le Boteng ba Hae bo phelang li tiile hakaalo kajeno joaloka mehleng. "Bonang, ho se ho se hokae, 'me lefatše ha le sa tla Mpona. Kosmos, 'tsamaiso ea lefatše,' ha le sa tla Mpona hape. Koana, lona le tla Mpona; hobane Ke tla ba le lona, le ka ho lona, ho isa bofelong ba lefatše. Mesebetsi eo Ke e etsang le tla e etsa, le tla etsa le e meholo ho ena, hoba Ke ea ho Ntate oa Ka."

<sup>57</sup> Tsepiso e kholo eo ke kajeno. Lefatše le foufetse kamoo le ka khonang, empa ho na le "lona le tla Mpona," 'me ke seo re lekang ho se fumana kajeno. Seo Evangelii tletseng, e se bolelang, ke ho hlakisa Jesu Kreste ka matla a tsoho ea Hae, le bottlalo bohole ba litsepiso tsa Hae; hore Moea o Halalelang o bonahatse lintho tsena le ho li lokisa, seo Molimo o se tsepisitseng, 'me O tla se etsa. E, mongali.

<sup>58</sup> O ne a netefalitsoe ka bottlalo ke e—e Lentsoe le ka mesebetsi eo A neng a e etsa, empa ho se mang oa bona ea batileng ho e lumela. Ho paka hore Leseli la Hae e ne e le Lentsoe! Lentsoe le e boletse, "Batlisang Mangolo."

<sup>59</sup> Empa meetlo ea bona eo ba neng ba phela ho eona, liphalana tsa mongoaha o mong! Ba itse, "Re lumela Moshe; Moshe eo re mo lumelang. Ha re tsebe moo U tsoileng teng. Thuto ea Hau U e fumane kae? U ka paka eng hore U *Sena*?"

<sup>60</sup> Mesebetsi ea Hae e pakile hore E ne e le Mang, hoja feela ba balile Bibele. Ba ne ba Ė bala, empa ba sa E bone. "Mesebetsi ea Ka e a Ntsebahatsa."

<sup>61</sup> Monna o tsebjoa ka litšoanelo tsa hae, litšoanelo tsa Lentsoe la Molimo, haeba a rometsoe ke Lentsoe la Molimo le ka Lentsoe la Molimo. Ho a tsoana mongoaheng o mong le o mong! Esale ho le joalo.

<sup>62</sup> Re ke ke ra phela ka leseli la maobane. Leseli la maobane ke nalane. Ha re tsebe letho ka eona. U ke ke ua futhumala kajeno ke letsatsi le chabang maobane. Ke bona bothata ka likereke kajeno. Ke bona bothata ba batho, ba ntse ba leka ho phela ka se etsahetseng maobane. U ke ke oa ikomosa ka mollo o takiloeng. Ruri che, ha o na mocheso. Letsatsi la maobane ha le na mocheso ho lona.

<sup>63</sup> Mahlaseli a letsatsi a romeloa lefatšeng, ka tlhaho, ho butsoisa thollo bakeng sa kotulo e tlang. Letše share le leng le le leng le hlahisa letsatsi le lecha. Letsatsi le chabileng kajeno, le melisang koro, Canada; lona letsatsi leo, be, haeba le ne le sa... hola letsatsi le ne le se le kaalo, Phupu ena e tlang kapa

Phato, le ne le ke ke la butsoisa thollo. Le tlameha ho ba matla le ho natlafala ho feta, letsatsi ka leng ha e mela e hola, ho hlahisa thollo.

<sup>64</sup> Joale haeba thollo, ka seqo, haeba e qala e hola, thollo e tla joalo, haeba e ipapisa hantle le thollo, e mpa e haha thollo feela. Letsatsi ka leng, lekhapetla le e potileng, e—e karolo ea k'halsiamo le ntho efe e kenang ho eona, e koena hantle ka hara thollo, ha letsatsi le ntse le matlafala.

<sup>65</sup> Empa ha u nka letsatsi le chabang ka Phato, 'me u le khantsetsa holim'a koro kajeno, le ne le tla e bolaea. Ruri, u ke ke oa etsa joalo. Le tlameha ho tla ka nako ea lona. Le koro ea Molimo le thollo li tšoanelia ho butsoa feela sehleng, sehla seo E leng ho sona. Empa letsatsi le ne le ka khona joang... Be, koro e ne e tla shoa, litholoana li ne li tla bolaoa, ke letsatsi le phelang kajeno, le phatsimang kajeno, ke rialo. Kotulo e tlang e ntse e butsoa. Tlhaku e lokela ho hola 'moho le leseli.

<sup>66</sup> Empa taba ke hore, kajeno, thollo ea kereke ha e batle ho butsoa. E batla ho itulela se sa mehleng ea Moody, Sankey, Finney, Knox, Calvin. Ba ne ba lokile, e ne e le leseli la hora.

<sup>67</sup> Empa ena ke hora e 'ngoe. Lena ke letsatsi le leng hape. Ena ke tsoelliso ea Evangel; E fihla khulong ea eona. Ka hona re ke ke ra phela kahar'a seo Luthere a se buileng, Wesley a se buileng, kapa ba bang ba bona. Re phela Leseling le lepiloeng pele bakeng sa letsatsi lena. Re mongoaheng oa kereke ea bosupa, e seng mongoaha oa kereke ea boraro kapa ea bone. Hlaku e loketse ho ba le bokhoni ho Le amohela. Haeba e sa etse joalo, e a foforeha 'me ha Le bolele letho ho eona. Hlaku e butsoa 'moho le Leseli haeba e tsoelapele le Leseli.

<sup>68</sup> Ka mokhoa o joalo le eona kereke e lokela ho hlahisa bohobe ba mongoaha o mong le o mong, seo Jesu a se laetseng, ho re, "Motho o tla phela ka Lentsoe le leng le le leng le tsoang molomong oa Molimo."

<sup>69</sup> Bohobe boo re bo hlokang bo ka Bibeleng. Ke tšenolo e felletseng ea leano la Molimo. Ke tšenolo e felletseng ea Jesu Kreste. Ha re eketse letho ho Eona, kapa ho fokotsa letho ho Eona; ea etsang hoo, lebitso la hae le tla hlakoloa Bukeng ea Bophelo. Ha re hloke litumeloana tsa letho ho eketsa ho Sena. E ngotsoe kamoo E loketseng ho ba kateng. Ha re eketse letho ho Eona, ho fokotsa letho ho Eona, ho Le rera ka mokhoa oo Le leng kateng, 'me Molimo o joalo, o tla le bonahatsa. Tšepiso e 'ngoe le e 'ngoe eo A e tšepeisitseng, O tla e bonahatsa ka ho tšoana. Ha rea lokela ho fokotsa ho Eona kapa ho eketsa ho Eona. E tlohellie feela kamoo E leng kateng.

<sup>70</sup> Empa, le a bona, kajeno, re fumana batho ba batla ba le joaloka letsatsing leo mono, ba leka ho phela morao ka liphalana. Kereke e lokela ho butsoa ha koro e butsoa, "hore motho eo a ke ke a phela ke bohobe feela, empa ka Lentsoe le leng le le leng

la Molimo, Bohobe ba Bophelo.” Eseng feelsa karolo ea Mantsoe; Lentsoe le leng le leng la Molimo, mongoaha o mong le o mong! U se ke ua lula feelsa u ntse u ja linaoa le litapole ka linako tsohle. Li teng lintho tse imatahantseng le eona, ha re kena moketeng o tletseng oa Tinara e kholo ea Molimo e tekiloeng ka pel’ a batho ba Oona, matla a Moea o Halalelang, e—e thabo ea Lona, ea matla le Moea o abiloeng. “Mesebetsi eo Ke e etsang le tla e etsa le lona. Hobane Ke phela, le lona le a phela.” Litsepiso tseo Jesu a li etselitseng Kereke ea Hae, ’me leha ho le joalo kajeno re fumana batho ba leka ho khutlela morao koana mongoaheng o mong o fetileng.

<sup>71</sup> Mongoaha oa Luther, e ne e le mongoaha o moholo. O bone phoso ea kereke ea Katolike, o bone selallo. Hoo, mopristantanya eo, o bone hore hoo ho fosahetse, “e ne e se ’mele oa Kreste ka seqo,” e ne e le sengoathoana sa bohobe seo—seo ba neng ba se hlohonolofalitse. ‘Me a bona seo, “veine e ne e se Mali ka seqo,” empa e ne e emetse Mali. Kahoo a hanyetsa taba eo hobane hora ea nako eo e ne e tlide. ‘Me ho sa tsottelehe hore ba ne ba na le baprista ba bakae, le sohle seo ba neng ba na le sona, Molimo o ile oa tšoara monna ea neng a ka khantša leseli. Amen. O ile a amohela, “Ho behoa ea lokileng ka tumelo,” ’me a khantša leseli la mongoaha oa Luthere. Ka mora moo ha fihla, ea qeta sebaka sa eona.

<sup>72</sup> Ha fihla nako e ’ngoe hape moo kerekeng e lokelang ho arohana le libe tsa eona, le ho halaletsoa. Ha fihla John Wesley, monna e monyenyanye oa Chache a tsoa koana Engelane, e le setho sa kereke ea Chache, empa o bone leseli la Evangeli. E ne e le hora ea Mongoaha oo oa Filadelfia ho hlaha. ‘Me hoba a etse joalo, a rera mesebetsi ea bobeli ea mohau, khalaletso ka Mali a Jesu Kreste. Ho se letho le ka emang leseling la eona. O ne a nkuoa e le lehlanya joaloka Luthere, empa a hanyetsa ba bang bohle, ’me a khantša leseli, hobane e ne e le leseli la hora. Molimo o fumana monna, John Wesley, ea neng a ka khantša leseli.

O ile a fumana joalo . . . hape le Luthere, ea ileng a bonesa leseli la mongoaha oo.

<sup>73</sup> Eaba ho latela baena ba Pentekosta. Ba khutla mongoaheng oa bona, oa khutlisetso ea lineo, ho khutlisetsa lineo, tsa ho bua ka liteme, lineo tsa pholiso, le lintho ho kereke. Joale, ba entse hantle seo Lengolo le ba boletseng ba tla se etsa, ’me, hoba ba etse joalo, ba e bonahatsa. Ke hantle feelsa.

<sup>74</sup> Empa na le hlokometse hore re tlohile moo? Re nakong ea Monyaluoaa, nako ea khetho, nako eo (Monyaluoaa) ba boletseng re tla e fumana. “Sohle se siiloeng ke seongoane,” ho boletse Joele 2:28, “sohle se siiloeng ke seongoane, e—e se jeloe ke marutle; ’me se siiloeng ke marutle, se jeloe ke tsie.”

<sup>75</sup> O mong le o mong oa mekhatlo eo, haeba le balile Litiiso tse Supileng tsa Bibele, e mong le e mong oa bahlabolli bao o

tsoile 'me a rera Lentsoe, empa a siea ho hong. Eaba ba etsang hoba bahlabolli ba fete, 'me leseli le qala le fifala? Sebakeng sa ho hatela pele Leseling le latelang, ba le hlophisa. 'Me ha ba e hlophisa, "Re lumela Leseli *lena*. Leseli *ke lena!* *Ena ke Eona*." Ba ile ba etsa'ng? Wesley a fihla hantle 'me a suthela hole le bona.

<sup>76</sup> Wesley o ile a etsang? A hlophisa kamora hae, le ngoana'bo—ngoana'bo, John le—le Charles, 'me ha latela Asbury le bao, 'me, kamora matsatsi a bona, ba hlophisa se ileng sa bitsoa kereke ea Methodise. Ba ile ba etsa'ng? Ba ile ba latola Leseli le hatetseng pele. Ba mpa ba itse, "Leseli *ke lena*. *Ena ke Eona*."

<sup>77</sup> Eaba ho latela Mapentekosta a ba bontša, hore Molimo o sa ntse o theola kolobetso ea Moea o Halalelang. O sa ntse o theola matla a Oona a pholiso, ao ba a latotseng. Ba ile ba etsa'ng? Ba tloha ho bona hantle, hobane e ne e le leseli le leng.

<sup>78</sup> Hona joale ke'ng? Re se re fetile lilemo tse mashome a tšeletseng, Mapentekosta a hlophisitse, "Re *sena*, re *sane*," 'me Molimo o tlohile ho eona hang; kantle ka koana, le ho hlahisa Monyaluo, Mokhethoa, ho tsoa sehlopheng seo. Etsoe, ha ho sa tla ba le mongoaha o mong oa kereke. Mongoaha oa Kereke ea Filadelfia e ne e le Wesley. 'Me Mongoaha oa Kereke ea Laodisea ke mokhatlo oa Pentekosta, o kenang ka kotlolohlo hantle letšoaong la sebata. Eo ke Bibele, joaloka ha moena enoa a boletse nakoana e fetileng. Eo ke 'nete. Hantle. Bao, mekhatlo eo eohle, hobane ba hanne ho tsamaea Leseling le hatetseng pele. Ba itlhophisa, ba ntse ba re, "Re lumela sena." Ha Molimo o etsa ntho, e batlisise ka Lengolo.

<sup>79</sup> Bafarisi ba itse, "Re E tšoere." Basadusi ba itse, "Re E tšoere." Empa Molimo o ne o E tšoere! Molimo o sothile senotlolo oa bontša Leseli. Le latotsoe joalokaha Le entsoe kamehla.

<sup>80</sup> Kereke ea Katholike e latotse Luther. Wesley o latotse Luther. 'Me hape le Pentekosta ea latola Wesley.

<sup>81</sup> 'Me Moea o Halalelang kajeno o latola Mapentekosta. Le ntse le satalla le hoama joaloka ba bang bohle. E mong le e mong a ka bona seo. Kea le rata. Ke lona ntho e haufi le Bibele, eo ke e tsebang, ke ka lebaka le ke nang le lona. Empa, mamelang, bulang mahlo a lona 'me le bone letsatsi leo re phelang ho lona! Ke nako ea hore senotlolo se sothoe hape, 'me Leseli le bonese, ho ntša Sefate. Bibele e boletse, ho Malakia 4, "O ne a tla romela le ho busetsa hape Tumelo ea mantlha e kileng ea ba ho batho." O e tsepisitse. Haesale A e phethisa. O rometsese Lentsoe la Hae, 'me baporofeta ba tlile hoba Lentsoe le tlile ho baporofeta, 'me ba ne ba tšoere Lentsoe 'me ba Le phelisitse.

<sup>82</sup> Mekhatlo le litsamaiso tsa mehla li ile tsa ba hana, mongoaha o mong le o mong, le kajeno ba tla e etsa joalo. Molimo o a khona le kajeno ho hlahisa motho joalokaha O khonne mohlang oo. Ha A eso hlahise mekhatlo le ka mohla. Botsa ranalane ofe, sheba nalane; enereha mokhatlo o hlophisa, o ile oa shoela

mono 'me ha o a hlola o tsohile hape. Molimo o bua le batho ka bomong. Hantle.

<sup>83</sup> 'Me Molimo o tsepisitse ho e etsa hape matsatsing a qetelo, 'me seo O tla se etsa. Seo Molimo o se tsepisitseng, O tla se etsa, ho khantša Leseli le ka netefatsang Mangolo a tsepisitsoeng a kajeno. Jesu o itse, "Joaloka mehleng ea—ea Lota, ho tla ba joalo le ho tleng ha Mora motho." Le a bontša, le bona seo ba se etsang. Shebang Jehova, seo A se entseng, Ntata rona o beile tsohle malulong.

<sup>84</sup> Lota ke eo tlase mane lefatšeng, tlase mane kahar'a Sodoma, ka sebe sohle, a le fofo. Lenqosa le mo rerelang tlase mono ke leo, le lona.

<sup>85</sup> Sehlopha sa Abrahama ke seo, Bakhethoa, ba ntšitsoeng, ba nang le tsepiso, ba emetse Mora ka 'nete. Lota o ne a lebeletse mora, le eena, empa e sang ka sebopeho seo Abrahama a neng a mo lebeletse ka sona. Ho etsahetse'ng? Pejana feela e etsahala, Molimo o a theoha le ho Iponahatsa ka nama, le ho tialeha hore E ne e le Lentsoe, hobane, "Lentsoe la Molimo le bohale ho feta sabole e leolitsoeng ka nqa tse peli, 'me le ahlola mehopolo e ka pelong." Jesu o itse, "Ho tla ba joalo hape, ho tleng ha Mora motho." Litšepiso tsena li Khethehile, li builoe ka melomo ea Jesu Kreste. Maholimo le lefatše li tla hlolleha, empa tsona Li ke ke tsa hlolleha le ka mohla. Molimo o sa ntse o ka tsosetsa Abrahama bana le ka majoe. Oh, e!

<sup>86</sup> Re leetong la rona, re ntho e batlang e tšoana le Israele. Israele, leetong la bona, e ne e loketse ho fumana manna a macha letsatsi ka leng, hoba manna a macha a ne a theoha. Re loketse ho se phele leseling la Luthere, ho phela leseling la—la Wesley, kapa ho phela leseling la Pentekosta. Re mongoaheng o mong, Manna a macha.

<sup>87</sup> Ho etsahetseng mohla ba lekileng ho siela manna hosasa? A ne a silafala. A ne a ka ba bolaea. Lebaka leo re fumanang bangata hakana ba shoele moeeng, athe ba ipitsa Bakreste. Ba ntse ba e-ja liphalana tsa letsatsi le leng. Ba ja manna a seng a silafetse. Joaloka lekhapetla holim'a koro, haeba le sa kene kahar'a koro, le foforeha ho koro. 'Me ha Leseli le latoloa, ha ho ntho le e 'ngoe e ka etsoang, ho fetohela lefifing. Karolo efe ea bosiu, e ka hanang ho bona Leseli, e khutlela lefifing. Le Evangeli e sebetsa joalo, e pakiloe joalo mongoaheng o mong le o mong. Re phela nakong eo.

<sup>88</sup> Manna a maobane a silafetse. Ke utloa batho ba re, "Lilemong tse mashome a mane tse fetileng, ke entse *hore-le-hore*." Ke hantle, empa ho ka thoeng ka kajeno? Ho ka thoeng ka kereke e tukang? Re bua ka maobane, ho ka thoeng ka kereke kajeno? Ho ka thoeng ka uena u le motho kajeno? Hobane, tsa maobane li ke ke tsa sebetsa kajeno. E ne e lokile maobane.

<sup>89</sup> Molaetsa oa Luthere e ne e le leseli la hora, joaloka oa Johanne, empa leseli le leholo le ile la hlaha. Ho joalo le ka Luthere leseli le leholo, 'me re ile ra mo thabela nakoana, empa ha fihla leseli le leng la tima la hae. Seo le ne neng le loketse ho se etsa e ne e le ho nyallana le Lona; 'me La tloha ho fetela ho senkhoa se phethahetseng sa Bohobe, ho fetela ho Manna a phethahetseng a Molimo. Empa ba etsa'ng? Ba hlophisa. Motho o kene ho eona. Sebakeng sa hore Molimo o e etelle pele, motho le litsamaiso tsa hae ba kena ho eona, ba e foufatsa.

<sup>90</sup> Oh, Sefate sena sa Monyaluoa kajeno, se hlaioletsoe. Lekala lefe le sa beheng tholoana le a hlaoloa. Jesu o itsalo, Santa Johanne 15. Ho etsahetse'ng joale, rea ba bona hore ba hlaotsoe, ho ponngoa.

<sup>91</sup> Hopolang, eona pelo ea sefate e setsing sa sefate hantle. Tholoana e tla butsoa kamehla, sebaka sa ho qetela moo sefate se tlang ho beha tholoana, ke ka holim'a sona hantle, hobane ke hlasimollo e tsoang setsing sa bophelo bo ka har'a peo.

<sup>92</sup> Ke Sefate sa Monyaluoa. Jesu e ne e le Monyaluoa, E ne e le Sefate. Ba ile ba Mo rema. E ne e le Sefate sa Bophelo se neng se le tšimong ea Edene. Ba ile ba Mo rema 'me ba Mo fanyeha sefateng sa Roma, ho Mo soma. O ile a etsa'ng? Molimo o Mo tsositse bafung, ka letsatsi la boraro. 'Me kajeno Sefate sa Monyaluoa se teng; Se qalile morao koana tšimolohong, morao koana ka Letsatsi la Pentekosta.

<sup>93</sup> Mamelang, lona batho litho tsa kereke! Kereke ha e ea qala Nicaea le ka mohla, Roma. E qalile Jerusalema, ka Letsatsi la Pentekosta, le qalile Kereke. Eaba ba etsang? Ho tsoelapele ka ho hlophisa feela; 'me Molimo ha o phetse ho thefula makala. Eaba ba hlophisa Lutherane; ho thefula makala. Wesley; ho khaola makala. Pentekonta; ho khaola makala. Ho fihlela e fihlile . . .

<sup>94</sup> Empa Molimo o tla ba le Sefate sa Monyaluoa! "Tsohle tse jeloeng ke marutle le seo seongoane se se jeleng, Ke tla li busetsa," Ho bolela Morena. Malakia 4 e re bolella hore re tla khutlisetsoa Tumelong ea mantlha joaloka ha e fumanoe ka Letsatsi la Pentekosta, "Tumelo ea bontate." Rea lumela hore e tla fihla. Ke lumela hore ke nako ea eona joale. Makala a bajuoet 'me a omeletse, 'me ba tla a tlosa Sefateng, e le hore tholoana e boele e ipehe hantle hlorong ea Sefate. Oh, khili!

<sup>95</sup> Maseli ana kaofela a itoketse. Kereke kajeno ke leseli leo kopanya le seo e se amohetseng kajeno. Ke ho phethela kotulo. Joaloka ha re fumana, hore Sefate ka bosona, kapa . . . Koro e tlameha ho butsoa le Leseli 'moho, ho ikholisa ho tsoa ho qoba ho ea ho thollo, le ho tloha ho thollo ho hatela pele. E butsoa le Leseli 'moho. Leseli la mengoaha e meng le mpa le paka mongoaha ona feela. Leseli la Luthere le pakile ka—ka leseli la Wesley. Wesley o ne a jere leseli la Pentekosta. Ke leseli le

tšoanang, le mpang le butsoisitsoe feela ke Leseli. Hoja batho ba ka e bona feela!

<sup>96</sup> Nakoana e fetileng, ke ne ke bala sengoloa, moo mofumahali oa Engelane, (e seng mofumahali enoa) mofumahali e mong, o ile a ea hloela k'hamphani ea pampiri esale e etsa pampiri e ntle hakana. 'Me eitseha a hlongoa lipotso ke mopresidente oa k'hamphani, a mo fetisa. A batlile ho bona kamoo pampiri eo e ntle e entsoeng kateng. A mo nka a 'montša maloala 'ohle a maholo le lintho. 'Me matsatsing ao, ba ne ba etsa pampiri ka masela a khale. Re sa hopola seo hantle. Kahoo a kena phaposing a bula lemati, 'me ho se letho haese hlaba ea masela a khale. Mofumahali, ka makalo, a re, "Lintho tsee tse litšila ke ling?"

<sup>97</sup> Monna eo ea . . . mopresidente oa k'hamphani, a re, "E ne e le liaparo, maobane. U a bona, a se a le litšila. Ha re a lahle, empa ke pampiri ea hosane."

A re, "Ha ke utloisise sena."

A re, "U tla e utloisia hosane."

<sup>98</sup> Kahoo ba mathisa masela ana mochinging oa hatsiang, tšebetsong ea mofuta e hloekisang, 'me—'me la tlameha ho feta nthong ea mofuta, tšebetso; eitse ha le tsoa, e ne e le mahlaku a matle a pampiri. Mopresidente o ne a hopotse ho bontša mofumahali ntho eo a neng a sa e tsebe. A beha ponoahlakore ea hae holima eona, 'me a e maneha pampiring ena e ntle. Eitseha mofumahali a e amohela, o bone ponoahlakore ea hae ka har'a masela a litšila, maobane, hoba a fetisitsoe tsamaisong ea mofuta.

<sup>99</sup> Oh, hola Luthere, Wesley, le bao bohle, ba ne ba ka bona hoo, hore linyee tsa maobane li ka sebelisoa feela ha li ka fetisoa khatong ea mofuta! Ha Moea o Halalelang o senola Leseli, ho tloha tokafatsong ho ea khalaletsong, ho isa kolobetsong ea Moea o Halalelang, 'me joale hora ea ho qetela ea ho Tla ha Kreste; e tlapisitsoe ponoahlakore, e seng ea mofumahali, empa ea Khosi ea Leholimo e Itakileng, nakong eo kereke e ntseng e patahana e fetoha palo e nyenyane, joalokaha tšebeletso e lokela ho ba tšebeletso e kang eo A bileng le eona.

<sup>100</sup> Bao ba shoeleng mongoaheng oa Luthere, tlase maotong a piramide, joalo; ha se thuto ea piramide, empa e le mohlala feela.

<sup>101</sup> Piramide eo e phethahetse hoo, haeba mang oa lona a kile a fihla mono. U batla u sa khone le ho mathisa lehare, le hona. E—e ha ba sebelisa seretse ho eona, kamoo re tsebang. Bonono ba mohaho bo hloahloa haholo! Joale, ba lahlehetsoe ke lejoehloro. Ha ba tsebe moo le leng teng. Joale mohla lejoehloro leo le khutlang, le tla tšoana le eona eohle, le tla momahana le lejoe le siileng sesene. Ha u ka rulela lejoehloro holim'a eona, e tla lokela joalo.

<sup>102</sup> 'Me mohla Jesu a khutlang, O tla fihlela Kereke e hlatsoitoeng, e se nang letheba kapa lesoebe, 'me e tla ba tšebeletso e tšoanang le eo A kileng a ba le eona. E tla khutlisa Lejoehloro.

<sup>103</sup> Joaloka letsoho la ka mona, ka seriti. Ke seriti, feela se fifala ho feta ha letsoho la ka le eketsa . . . Ke neketifi *mona*, posetifi *mona*. Joaloka neketifi le posetifi, se loea ho feta; ho tšofala, ho ntšofala, ho ntšofala, 'me qetellong se ngomelana 'moho, 'me neketifi le positifi li fetoha ntho e le 'ngoe.

<sup>104</sup> Ke mohla Kereke le Kreste ba kopanang 'moho, joaloka Monyaluo, ka Moea o tšoanang le o neng o le ka ho Eena o tla ba holima Hae; ha Kereke eo e tsoa tokafatsong, khalaletsong, kolobetsong ea Moea o Halalelang, ho kena matsatsing a qetelo, le ho mo betla joale bakeng sa ho Tla ha Morena.

<sup>105</sup> Oh, u se ke oa ba karolo e mahoashe ea Eona, moena oa Pentekosta. Phatsimisa ka Lentsoe 'me u lumele karolo e 'ngoe le e 'ngoe ea Lona. U se ke oa tsoa oa kenela mekha ena le lintho, joaloka ha re bona ho etsahala kajeno. Le se makale ke hoo, hobane Lejoehloro le a tla, le ntse le meketsa, "Abba, Ntate," haufinyane, "Molimo oa ka! Molimo oa ka!" E, ke lumela seo ka pelo ea ka eohle.

<sup>106</sup> Le a e bona na? Na le tseba seo ke se bolelang? Ke Kreste joale a nkang makhasa a maobane, Lutherane, Metholise, Presbeteriene, le joalo-joalo, 'me O ntse a e fetisa khatong. Khato ea mofuta ofe? Khato ea Moea o Halalelang; seo ba neng ba se tšoere, kopanya le; ho e sebetsa ho fihlela A tlapisetšoantšo sa Hae ka Seqo, mohla Kereke le Kreste ba e-bang bang. Molimo, e abe! Ke tšepa hore le a e bona. Haeba le e bona . . .

<sup>107</sup> E nkhopotsa pale, eo mohla e—e tsoseletso e kholo ea Welsh. Monna e mong e moholo mona sechabeng a hopola hore ba tla ea teng ba bone tsoseletso ea Welsh, se neng se tla etsahala. 'Me eitseha ba fihla, ho fumana, ba bona mohaho moo e tšoaretsoeng. Ha ba fihla Wales, ba potoloha, ba qala ba qala ba botsa moaho oo. Ba bona moofisiri e monyenyan ea thabileng e eme koung, a roetse kepese ea hae, 'me a ntse a tsokotsa molangoana oa hae a o pheula le ho pheula joalo. Ebile banna bana ba mo atamela, ba re, "Monghali, u ka mpolella mohaho oo tsoseletso ea Welsh e tšoaretsoeng ho 'ona?"

<sup>108</sup> A re, "E, monghali, ke eona! Ke eona!" Hobaneng? O ne a khantsa thabo le Leseli la Welsh—tsoseletso ea Welsh ka hare ho eena.

<sup>109</sup> Le kereke ea Pentekosta kajeno e loketse joalo, ho botsa, "Jesu Kreste ke mang, eena maobane, kajeno, le kamehla?" Leseli la Hae la Evangelia ea Hae le loketse le be le chabile ka Lentsoe la mongoaha ona, ho senolela sechaba Jesu Kreste, joaloka mohlang oo.

<sup>110</sup> U ne a tletse tsoseletso ea Welsh hakaale ho fihlela eena e le tsoseletso ea Welsh.

<sup>111</sup> Re lokela ho tlala Kreste hakana ho fihlela rona—re Mo halimisa matleng a Lentsoe la Hae le baletsoeng rona ho fihlela kajeno. Baena, le se ke la kobotela linthong tsa lefatše, le se ke, lipelaelo tse u suthisang. Lulang le Evangel. Shebang Lentsoe le leng le le leng! Le se ke la khutlela morao ho seo ntate ea itseng a se buileng. Ha re eeng hona joale seo Jesu a itseng se tla etsahala letsatsing lena. E, monghali. Re loketse ho ba Leseli la mongoaha ona, ho bonahatsa Evangel. Luthere e ne e le leseli la hae. Wesley ka leseli la hae, Pentekosta e ne e le leseli la hae. Empa, re holingoana tseleng joale, re kena ho Monyaluo, ea bitsitsoeng, Mokhethoa. Hopolang, haeba u le eena, u itšoanelia le ofisiri eo, o ne a E ts'oere ka ho eena.

<sup>112</sup> Hopolang, ona ke mongoaha oa kereke ea bosupa, Mongoaha oa Kereke ea Laolisea. Ho latela Tšenolo 3, ba latola Kreste. Har'a mongoaha o mong le o mong oa kereke o boletsoeng ka Bibeleng, Mongoaha oa Laodisea o ne o fetisa eohle ka bobe. O ne o Mo ntšelitse kantle, ho Mo lahla, ho Mo beha kantle.

<sup>113</sup> Na le bone khoeli ha e fifala, bosiung bo bong, pele mopapa a ea Roma, ho tloha Roma ho ea Jerusalema? Jerusalema, kereke ea khale ka ho fetisa; khoeli ke papiso ea kereke, kamehla e halimisa leseli la letsatsi, ha letsatsi le le sieo, e ile ea fifala. Ke ile ka taka ntho eo letlapeng mona, lilemong tse tharo kapa tse 'ne tse fetileng, le ho bontša likereke, ka har'a malapa a likete ho phatlalla le sechaba. E ne e le eng? Seriti. Khetlo la pele mopapa a kileng a tloha, ho khutlela mona, ho tla ka—ka lebitso la Pauluse, le joalo-joalo, a theosa ka libaka tseo; a tlameha ho hlohonolofatsa noka, ho e tšela, le joalo-joalo. Ebe e—e noka e hloka tlohonolofatso ka'ng?

<sup>114</sup> Molato ke ofe ka mongoaha ona oa kereke oo re phelang ho oona kajeno? Ha le e bone? Modimo o e tlaleha maholimong, ho e tlaleha Lentsoeng la Hae, ho e tlaleha pampiring, ho E tlaleha har'a batho? Na ha le khone ho tutubolla mahlo a lona 'me le bone hora? Ke tsona tse pakang 'Nete. Lena ke Leseli la hora.

<sup>115</sup> Shebang motsamao o moholo oa likereke, o kena lekhotleng lena holimo mono joale, ho bopa feela setšoantšo sa sebata, ho Tšenolo 17, hantle seo e boletseng hore e tla se etsa. Lona batho ba Pentekosta na le tla e ikhutsetsa ka ntho eo 'me le kene ho eona? Nako ea khatello e fihlile.

<sup>116</sup> Joale ke nako ea ho tsoha le ho kuta lebone la hau, le ho khantša ka Evangel. ea Jesu Kreste le Matla.

<sup>117</sup> Ke a tseba taba ena ha e ratehe, holim'a metsoalle ea ka e mengata ea Pentekosta e ne e lutse le mopapa le lintho tse joalo, le ho re, “Ona maikutlo a moea hle.” Ho 'na, e—e fosahetse. E khahlano le Bibebe. Lentsoe la Molimo e be 'Nete. E, monghali.

Ke nako joale. Re bona metsamao ena e meholo e etsahalang ka hara . . . Oh, e shebahala e le ntle mahlong a tlhaho, ehlide.

<sup>118</sup> Kaiafa o bonahetse a lokile ka seo a neng a se senolela baprista, letsatsing leo, letsatsing leo lohle. Empa Jesu e ne e le Leseli le neng le phelisa Lentsoe, empa makhotla a bona le joalo-joalo a ne a foufalitse mahlo a bona nqa ea Lona. A re, "Ba tloheleng; ha sefofu se etella sefov pele, li tla oela selomong tsohle."

<sup>119</sup> Re boetse re khutletse nakong eo, bara le barali. Re khutletse horeng eo hape. Hlokamelang. Hobaneng? Ka lebaka le tšoanang.

<sup>120</sup> Re fumana hore e—mabone ana a maholo ao re phetseng ho ona, matsatsing a fetileng, a ne a lokile, ha re a koetla letho khahlano le bona. Empa, Mongoaha ona oa Kereke ea Laodisea, elang hloko, hopolang, ke tatolo-Kreste. 'Me ke seo e leng sona hantle joale.

<sup>121</sup> Lekhotla le leholo lena le tsamaile hohle, ho kopanya Maprotestanta 'ohle 'moho, motsamao ona oa likereke. 'Me e etsa'ng? E fifatsa lona Lentsoe, ka bolona, 'me Lentsoe ke Kreste. Ba ka e etsa joang? Athe, Christian Science, le United Brethren, athe bongata ba batho ba mekhatlong e meng e meholo, ba bang ba lumela tsoalo ea moroetsana, ba bang che, ba bang ba lumela *sena le sane*. U ka ikopanya joang le ho se lumele? "Ba babeli ba ka tsamaea hammoho joang, ba sa lumellane?" Tsoang har'a bona leikheth, 'me le nke Lentsoe la Molimo le Halalelang 'me le lule le Lona.

<sup>122</sup> Jesu Kreste o tlamehile ho bonahatsa Lentsoe la Hae. Ntho eo re e hlokang kajeno ke ho hlaha ha Malakia 4. Moporofeta e mong o tla hlaha ka Lebitso la Morena Jesu Kreste, 'me o tla hlahisa hantle seo A tšepisitseng ho se etsa. Ebe, motho ka bofoufou o tla Le furalla 'me a tlohe a hantle a kene lefifing, joaloka ha esale ba etsa.

<sup>123</sup> Shebang joale, rea fumana, ka lona lebaka le tšoanang, leo kajeno, ba latola, likereke li hana Molaetsa, ho thakhisa Lentsoe, ho ntšetsa Lentsoe kantle. Joale haeba u se setho sa eona, u ke ke ua khona le hona—u ke ke oa ts'oara kereke ea hau. Ba tla e koala. U tlameha ho kena ho eona. Haeba u sa e etse, u a koalao. Ebe ho ka thoeng ka eona? Oh, emelang Se lokileng! Hopolang, ke nako ea thakhiso hape, e batla e le eona.

<sup>124</sup> Leseli la bohata le hlahisitse ntho e kholohali—bokhoothotsi bo boholohali bo kileng ba etsoa lefatšeng, Engelane, nakoana e fetileng. Bosholu bo boholohali bo kileng ba etsoa, bo entsoe ke leseli la bohata. Bosholu ba lidolara tse limilione tse supileng bo entsoe ke leseli la bohata le ileng la fokotsa lebelo la terene eo, 'me Scotland Yards ha e a ka ea fumana monna eo. Ba ile ba e phonyoha, ka boqhetseke bo. Taba eo ea tsejoe e le bosholu

bo boholohali bo kileng ba etsoa ke bakhothotsi, ka tlhaho. Bo khotholitse lefatše, bosholu ba lona bo boholohali ka ho fetisisa.

<sup>125</sup> 'Me tlatlapo e kholohali e kileng ea tlatlaptjoa kereke ea Jesu Kreste, e entsoe ka leseli la bohata, liphalana tsa mongoaha o mong, le ho hanela Leseli le baletsoeng sa mongoaha ona. Amen. Leseli la bohata, liphalana tsa maobane! U se ke ua tsamaea ka liphalana tsa maobane. Tsamaea mofuthung oa Mora kajeno. U se ke oa ikhulela katlase moriting oa phutheho ea bolumeli, ho re, "Matsatsi a mehlolo a fetile."

<sup>126</sup> Jesu o itse, "Mehlolo e tla tsamaea le ba lumelang ke eona ena: ka Lebitso la Ka ba tla leleka matemona, ba tla bua ka lipuo tse ncha. Mehlolo ena e tla ba latela."

<sup>127</sup> Ba re, "Ntho eohle e etselitsoe baapostola; ha e a etsetsoa rona." Ke liphalana.

<sup>128</sup> Jesu o itse, "Mehlolo ena e tla tsamaea le ba lumelang, ho ea lefatšeng lohle." E, monghali.

<sup>129</sup> Joale bothata ke eng? Ho tsamaea liphalaneng, ho hlahisitse tlatlapo e kholohali, ho tlositse Kreste kerekeng. Le a bona, ebe Kreste a ka Iponahatsa joang Lentsoeng le tsepisitsoeng kajeno, ka tumeloana e batang ea maobane? Ha e futhumatse Peo. Che, monghali. Bosholu bo boholo ba kereke!

<sup>130</sup> Mofuthu? 'Me, hopolang, leseli leo le batang la tumeloana le ke ke la butsoisa Peo ea kajeno. Le latola Peo. Ke moholi o hahabang holim'a lefatše, ho teteana. Ke nako ea hore Molimo o hlahise le ho khantša Leseli hape, ho phelisa Lentsoe la Oona. Ruri, Leseli! Tumeloana eo e batang e ke ke ea butsoisa Thollo. Ruri e ka sitoa.

'Me, hopolang, tsoelopele e tsamaile le letsatsi.

<sup>131</sup> Joaloka ha ke le boleletse qalong, ke loketse ho sheba lipapiso, kamoo tlhaho e mathang kateng. Ha ke na thuto ea ho e etsa; ha ke e batle. Nka mpa ka boloka seo ke se tšoereng, ho fetu thuto eohle lefatšeng. Ke na le Jesu Kreste. Ke 'Mona a phela Lentsoe la Hae hantle ka kotloloho, 'me ke phetho seo ke hlokang ho se tseba.

<sup>132</sup> 'Me ha motho a tsoetsoe ke Moea oa Molimo, o tla batlisisa Lengolo ho bona haeba E le karabo ea kajeno. Karabo ea letsatsi ke Kreste. Kreste ke Lentsoe. Ha Lentsoe le phela, le bontša Leseli le tsepisitsoeng bakeng sa kajeno. Mongoaheng ona o lefifi oa Laolisea, ba 'maloa feela, "Bao Ke ba amohelang, Ke a ba laea, Kea ba khalemela. Bakang," Jesu o boletse, "'me le khutle." Fetohelang Lentsoeng. Eena ke Lentsoe. Tloong ho Eena. E, monghali.

<sup>133</sup> Shebang Leseli. Le tsoa Bochabela, le ea bophirima. Re Lebopong la Bophirima. Le hatile mekhahlelo e meraro, na ha lea etsa joalo? Le hatile mekhahlelo e meraro. La parola maliba, makhetlo a mararo. Ho tloha ho Pauluse, le ho parola

Meditereniane, ho kena Jeremane, Jeremane la bonesa ka Luther; ho tšela Kanale ea Engelane, ho kena koana United States 'me joale... ho kena koana—ho ea Engelane; e ntano ba, Engelane, La parola Pasifiki, ho ea United States. 'Me le haotse le tsoelikana tlase ka molaetsa oa Luther, ho theoha joalo, ho fihlela karolo ea ho qetela ea Lona e le mona Lebopong la Bophirima hape.

<sup>134</sup> 'Me ho tloha ho butsoeng ha thollo, ho tloha morao koana ho tloha ho Luthere, ho theosa le mongoaha, eka khona ebe botlalo ba Evangeli joale, Matla a Molimo a butsoisang. Leseli le bonahalitsoeng ka tokafatso, khalaletso, mongoaha oa pentekosta, le loketse ho butsoisetsa Sefate sa Monyaluoa ho Tla ha Morena Jesu Kreste; hore Kreste a tle a bonahatsoe Kerekeng ea Hae, joaloka Motho a le mong, Eena le Mosali oa Hae, Eena le Monyaluoa oa Hae. Amen. Ena ke hora eo re phelang ho eona. Lena ke Leseli la letsatsi. Tsamaeang ho Lona! "Bolokehang, lona lipheletso tsohle tsa lefatše."

<sup>135</sup> Liphalana tsa kereke tsa letsatsi lena li ne li thetsa haholo, Jesu o itsalo ho Mattheu 24. A re, "Ho ka thetsang le bona bakhethoa haele ntho e ka etsoang." Le a bona, hase Luthere ea hanneng ho amohela... Luthere o ne a ka sitoa ho thetsa Momethodise. Methodise e ne e ka sitoa ho thetsa Mopentekosta. Ke hantle, le a bona, empa ho ka thoeng ka Monyaluoa? Ke eona ntho e foufatsang mahlo a Mapentekosta. Eaa. Le a bona, le khutletse morao tumeloaneng ea lona, sebopehong sa lona, la hlophisa, 'me la phutha sehlopha sa banna ba le bolellang hore le etse'ng.

<sup>136</sup> Bibele e tsepisa lintho tsena. Re hloka banna le basali ba tlatsitsoeng ka Moea oa Molimo.

<sup>137</sup> Haeba u ipolela Moea oa Molimo o ahile ka ho uena, 'me Molimo o etsa tsepiso e itseng ka Mona, ebe Moea o Halalelang oo o ka E omela joang, ka ho re, "Be, mohlomong e itoketse bakeng sa mongoaha o mong. Ha re E lumele ka tsela eo"? Hoo ha se Moea o Halalelang.

<sup>138</sup> Monna ea tletseng ka Molimo, eena le Lentsoe ba bang. Ruri, ho joalo. Ke tholoana ea kopano, kopano pakeng tsa Molimo le motho.

<sup>139</sup> Mosali a ka khona joang, athe e tla ba mohatsa oa monna, khahlano, a etse lintho tseo tona a sa batleng ha a li etsa? Re ka bonya le lefatše joang, le liphutheho tsa malumeli le mekhatlo, le ho hana Leseli la hora? E ka etsoa joang, moena le khaitseli? Ka lerato la bomolimo le tlhompho ho e mong le e mong oa lōna, re ka amohela lintho tsee joang? Re ka e utloa joang? E boela e lahleloa hantle mafareng a rona hape.

<sup>140</sup> Le se ke la nyatsa Maluthere; hobane, ba nyatsitse Katolike. Le se ke la nyatsa Wesley; hoba, e ile a nyatsa Luthere. Le a bona, ka mokhoa oo, ha u nyatsa Ntho e etsahalang kajeno 'me u E

furalla; ha le bona likereke tsa lona li kena motsamaong ona o moholo oa likereke, le joalo-joalo ka mokhoa oo, ho le tataisa, e 'ngoe le e 'ngoe, ho kena letšoaong la sebata, 'me le le fumane. Batho ba bangata ba lipelo li tsepahalang ba kena ho eona ka kotloloho.

U re, "Ke batho ba lokileng, batho ba halalelang."

<sup>141</sup> Le baprista bao ba ne ba le joalo. Hola nka tlameha ho nka khalalelo ea Jesu Kreste, kapa litholoana tsa Moea, bongata ba lona le fetile tabeng ena... Joale, ha ke e nyatse. Ke lumela Lentsoe le leng le le leng la eona.

<sup>142</sup> Ba bangata ba tla re, "Oh, ke buile ka lipuo. Ke E fumane." Hase Eona. Che, monghali.

Ba bangata ba bona ba re, "Tholoana ea Moea, ke Eona." Na ke Eona?

<sup>143</sup> Tloong re huleleng Jesu nyeoeng (Molimo, ntšoarele) nakoana. Tloong re le nyolleng, 'me 'na ke tla ba moprista. Ke tla re ho uena, "Mothaka enoa, ea kenang motseng, ea bitsoang Jesu oa Nazaretha. U se ke ua Mo mamela. Re lumela tholoana ea Moea. Joale sheba mona, moprista oa hau oa khale ea mosa. Eena, ntataemoholo, moholo oa ntataemoholo, bohole e ne e le baprista. U ile a itela, bophelo bohole ba hae ba bocha. O ile a lula hantle kahar'a seminare. A sheba, a lumela, a—a etsa tsotle tseo ba mo rutileng tsona le ka mohla. O tseba Lengolo, ho tloha ho A ho fihla ho Z. Ebile o a Le ngola, ka sebele. O ngola Mangolo, ka sebele, bangoli ba etsa joalo. 'Me ke enoa, monna e moholo! Ua tseba hore o joalo.

<sup>144</sup> "Ho etsahetseng mohla 'ma'o a neng a beleha? Ke mang ea neng a eme pel'a bethe ea hau? Moprista eo oa khale ea mosa. Mohla 'mè le ntate ba neng ba tla arohana, ke mang ea ba hamaretseng bobeli, 'me a ba busetsa ho Molimo? Moprista eo oa khale ea mosa. Yaa.

<sup>145</sup> "Me mona Jehova o batla konyana ea sehlabelo, ea sebe. Borakhoebo, ba lula metseng mona 'me ba—ba rekisa thepa ea bona, le—le joalo-joalo, lihlahisoa tsa bona le sebeoa, le eng hape eo ba tlang ho e rekisa. Ha se boramapolasi ba likonyana. 'Me baprista ba ile ba etsang? Ba emisa motlotloane holimo mono, hore ba rekise likonyana, hore monna enoa a tle a kene, a hloekise moea oa hae ho Jehova.

<sup>146</sup> "Mothaka enoa, Jesu oa Nazaretha, o entse'ng? O tsoile kerekeng efe? Ke setho sa mokhatlo ofe? Ka setlankana sa kopano efe? Re tla Mo leleka. Re ke ke ra amana le Eena ka letho, hoba O ahlola e mong le e mong oa rona. O entse'ng? O nyolohela mono 'me o nka ntho eo, moo batho ba lekang ho pholosa meeaa ea bona, kereke," kamoo re ka e bitsang kajeno, lōna batho ba moea, "O rahile tafole, a hasanya chelete; a rohakanya lithapo a li loha 'moho, 'me a ba lelekela kantle; 'me a bitsa moprista eo oa

lona ea tsofetseng ea lokileng, ‘mora oa liabolose,’ monnamoholo ea mosa eo ea u alimileng chelete u le mathateng.

<sup>147</sup> “Ke mang ea tla u tšehetsha ‘me a u pate ha u shoele? Moprista eo oa khale ea mosa. O na le tholoana ea Moea. Empa na Jesu enoa oa Nazaretha o na le tholoana ea Moea?”

<sup>148</sup> U ka se ahlole ka ho bua ka liteme, hape u ka se ahlole ka tholoana ea Moea. Empa ke ponahatso ea Lentsoe la Molimo, le tlisitsoeng Leseling. Ke Leseli le e etsang.

Monna ea tsamaeang Leseling leo! Jesu Kreste o ne a sa theoa holim’ a ho bua ka maleme, leha A e entse. E ne e se tholoana ea Moea, leha A entse. U ke ke ua e ahlola. Empa O ile a lumela ‘me a Le omela, ‘me Molimo oa phela Lentsoe le leng le le leng la tsepiso ea letsatsi leo ka Eena. Leo ke Leseli la hora. Ke boo bopaki.

<sup>149</sup> Ha motho a mpolella hore Moea o Halalelang o theohelang ka ho bona o tla latola Lentsoe la Molimo ho ba joalo, phoso e teng ho eona. Phoso e teng ka liseminare tsa rona, le lintho tse joalo, ha ba ruta motho thutabomolimo ena e rebang boko le linyee tsa kajeno. Banna bao ba ka be ba entse hona hoo khahlano le Lentsoe la Molimo, le ho ba isa hantle hlabong eo ea likereke tlase mono, khele, ruri, e phoso.

<sup>150</sup> Ke bolela seo ka Lebitso la Morena! Le shebe ‘me le bone haeba E se ’nete, Leseli, Leseli la hora!

<sup>151</sup> Litumeloana tseo tse batang li ke ke tsa tlisa kotulo le ka mohla. Re tlameha ho fumana Kereke e hlatsoitsoeng Maling a Konyana, ‘me e-ba ntho e le ’ngoe le Lentsoe, e be Kereke.

<sup>152</sup> Liphalana tsa kereke tsa letsatsi lena, Jesu o itse, li thetsa haholo, “le bona Bakhethoa hola ke ntho e ka etsoang.” Ke Bakhethoa Feela! “Empa joalokaha ho bile mehleng ea Nohe, ha ho pholosoa batho ba robileng meno e le ’meli, ho tla ba joalo le ho Tleng ha Mora motho.” Ke ba ’maloa haholo, ba tla bolokeha nakong eo.

<sup>153</sup> E etsa’ng? E isa hantle hlabong. Re fumana seo lefifing lena la joale leo re phelang ho lona. Kea koala, ka ho bolela sena. Lefifing lena la joale leo re phelang ho lona, matsatsing ana ao re phelang ho ’ona joale, mohla Leseli le seng le tinngoe maholimong, Le tinngoe mona, pele, ho re bontša; la bontša ka Bibele, holim’ a Litiiso tse Supileng, se neng se etsahala. ’Me mona Molimo o e tlaleha hantle leholimong, ho theoha hantle le ho e tlaleha lefatšeng. ’Me likereke li tsamaea li kena ho eona hantle!

<sup>154</sup> Ke mang ea tla pholosa Monyaluo a e monyenyan e a bolokang Lentsoe ke hona? Ho tla etsahalang ka Eena mohla A tla lelekela kantle serameng, a le Mong? A ke ke a hatsela, Lentsoe le netefalitsoeng la tsepiso letsatsing lena. Oh, e. Ho tšoana le a . . .

<sup>155</sup> Hoa makatsa, kea tseba ho joalo, ho batho, ho bona kereke e re feela, “Be, e batla e le ntho e tšoanang.” Jesu o itse ho tla ba joalo. E tla ba joalo, ho fihlela, “E ka thetsa le bona Bakhethoa hola ke ntho e ka etsoang.” Oh, e. E, monghali.

<sup>156</sup> E mpa e nkhopotsa thaka le leng koana Florida, haufinyane. O ne a qoqa, a re o ile a robeheloa ke koloi ea Chevrolet mane Florida, ’me a re o ile a e isa karacheng. ’Me motei enoa a ntse a itsamaela mono, ’me a hlophisa ntho e ’ngoe le e ’ngoe, ’me a sa khone ho e lumisa. A kenya ntho e ’ngoe le e ’ngoe ho eona, eo a e khonneng. A nchafalitse lintho tsena tsohle tse fapaneng, empa, ntho e itseng, ha e a sebetsa feela. ’Me ha a khona ho e lumisa. A sa phetse ho ’na a leka le ho leka. Moteinyana o ne a tsielehile, o ne a mathaka hohle, hohle ka moahong, a thonaka sena.

<sup>157</sup> ’Me monna a ema, a re, “Ke emetse koloi ea ka, monghali. Ke siloe ke nako. Ana ha u e khone?”

<sup>158</sup> A re, “Ke etsa sohle seo nka se etsang,” a hlile a tsielehile a itšoere joalo. ’Me a ntse a itsamaela.

<sup>159</sup> Hang monna ea apereng hantle a tla ’me a mo sheba metsotsoana, eaba o re ho motei oa makoloi, hoba a mo tlohele ho batanya hlooho ea hae hohle nakoana, a re, “Hobaneng u sa ame ntho ena feela? Ha u fumane mollo oa letho.”

<sup>160</sup> Kahoo a re, “Ha ke eso nahane taba eo.” Ka hona a sotha nthoana eo feela, hore e ne e le eng mono, ’me a fumana e—e motlakase oa hlaha, koloi ea luma.

<sup>161</sup> A reteleha a re, “U mang?” Le a tseba hore e ne e le mang? Enjinere e ka sehloohong oa—oa General Motor. O entse ntho eo. Ke eena ea e sibolotseng.

<sup>162</sup> Horeng ena, moena, mohla re ipotsang hore molato ke’ng ka tsoseletso ea rona, molato ke’ng? Re kakositse thepa le ntho eohle, re kakositse lihlomo, empa Matla a hokae? Ke sona seo re se hlokang, ho tlisa Jesu Kreste temeng. Bothata ke bofe? Ke a le bolella, ho na le e Mong mona kajeno, alleluia, ea bitsoang Moea o Halalelang, ea ka khoephetsang Matla. Ke Eena Matla a lihlomo.

<sup>163</sup> Rea ema kajeno, rona Mapentekosta, e ’ngoe ea likereke tse kholohali sechabeng, likete tse atisoang ka likete li eketsoa selemo ka seng, empa Moea o Halalelang oo o kae? Re e amohetsse, ka ho bua ka liteme, ’me re bone kamoo e sebelitseng kateng. Metholise e a e amohela, ka ho hoeletsa. Luther o e amohela, ka tumelo, le joalo-joalo ka mokhoa oo. Ha se Eona.

<sup>164</sup> Ke Lentsoe! Ke Lentsoe le buletsoeng, Leseli le bulela lihlomo ’me li fetoha Matla. Ke Matla, ha Matla, ha Matla a fihla ho lihlomo. E qala e lumisa ntho eo. Ke hantle. Nka Lentsoe. Haeba nthoana e le ’ngoe e haella, ho Eona, e ke ke ea luma. Behellang ka thoko boima bo bong le bo bong, mokha ka mong, tumeloana e ’ngoe le e ’ngoe, hore Matla, Moea o Halalelang, o

tle o phalle Lentsoeng le ho netefatsa Lentsoe le tšepeisitsoeng letsatsi lena; ke moo Kereke e kholo ea Molimo e tlang ho ema ka maoto a eona joaloka sefofane sa jete se kothomelitsoeng, e nyolohela marung ho kopana le Mong'a eona. Ke hantle feels. Ho fihlela re etsa hoo, e ke ke ea sebetsa. E batla e le eona. E, monghali. Ke mang ea tla e etsa? Ke mang ea tla e boloka letsatsing lena leo re ntseng re lohatha? Hopola, hopola, moena.

<sup>165</sup> Joale e nkhopotsa pale e 'ngoe e nyenyane. Ha ke khutlele lipaleng, empa motsoalle oa ka o ne a eme Carlsbad, New Mexico, mohlang oo re tšoere kopano holimo mono Carlsbad. 'Me sehlopha sa batho sa theoha sa kena lehaheng lena.

<sup>166</sup> Oh, ke—ha ke eso rate nnyee tseo le ka mohla, tlase mono botebong, e batla e le maele mobung. Ke, ke khotsofetse holimo mona. Kahoo, ba ile ba theoha. Ke batla ho ea holimo, e seng tlase. Kahoo ke . . .

<sup>167</sup> Ba nka thaka lena, ba theohela tlase mono. 'Me e le motsoalle oa monna, le ngoananyana oa hae le moshanyana e monyenyanne ba theoha le bona. Le—le ho theohela tlase mokatong o moholo, oh, kea kholoa, makholo le makholo le makholo a maoto tla'sa lefatše, ba theohela tlase mono. 'Me monna ea laolang swichi, hang [Moena Branham o thanya menoana ea hae—Mohl.] a tima swichi. 'Me ho ntšofetse 'me ho fifetse, ebile u sa bone letsoho la hau le fetang ka pel'a sefahleho sa hau. Ngoananyana, mothoana, o ne a harohile letsoalo ruri. A qala a hoeletsa ka lentsoe la hae le phahameng, "Oh, ho lefifi! Ho lefifi! Ho lefifi," a hoeletsa a hlahaftetse.

<sup>168</sup> Ha etsahala hore ngoan'abo e monyenyanne a eme. A hoeletsa lefifing, a re, "Se tšabe, khaitselinyana, monna o teng mona ea ka khantšang leseli."

<sup>169</sup> Alleluia! Ebe Kereke e nyenyane e tla etsa'ng? U se ke oa tšoenyeha. Monna o teng mona kajeno ea ka khantšang Leseli, eo ke Morena Jesu Kreste. Oh, eaa. Morena Jesu Kreste!

<sup>170</sup> Hopolang, lifofu . . . e—e barui mehleng ea tsoalo ea Jesu, ha ba ka ba fifatsoa le ho foufatsoa ke liphalana tsa Jerusalema ha ba fihla mono, ba ntse ba botsa litaba tsa Hae. Thutabomolimo ea bona—thutabomolimo ha e a khona ho e hhalosa. Empa eitseha ba kheloha, ba Le latela ho fihla Leseling la Bophelo Bosafeleng.

<sup>171</sup> Lona borakhoebo kajeno, le se shebe liphalana tsa mekhatlo ena, le mpe le tiisetse Lentsoeng. Le tla le isa Leseling. Se tšabe, khaitselinyana, Monna o teng mona Ea ka khantšang Maseli. Kreste o teng mona Ea ka phelisang Lentsoe la Hae joaloka ha A entse mehleng eo, ho Inetefatsa hore esale Eena maobane, kajeno, le kamehla. Le a e lumela na?

Ha re emeng.

<sup>172</sup> Ke saletsoe ke metsotsa e leshome le metso e mehlano pele ho nako ho ea kopanong e latelang. Na u ka rata ho phahamisa

matsoho a hau le ho re, “Molimo, khantša leseli holim’ a ka, hoseng hona. Ke lumela Lentsoe. Ke lumela lihlomo tsa machini. Kenya Matla ka ho ’na, Morena”? Phahamisa matsoho a hau ’me u Mo hlabele mokhosi, “Morena, bonesa Maseli!” Monna o teng mona ea ka khantšang Maseli. Re shoele, ka har’ a bokomonisi, ’me re jeloe ke mefuta eohle ea marutle a mekhatlo, empa Monna o teng mona Ea ka khantšang Maseli. Monna eo ke Moea o Halalelang, ka Seqo, Jesu Kreste ea bonahalitsoeng ka Moea!

<sup>173</sup> Morena Jesu, ama le leng le leng la matsoho ana; e seng matsoho feela, empa matha ho theosa sephaka ho ea pelong, le ho bonesa Leseli la Evangel. Ka Lebitso la Jesu! 

*KHANTSA LESELI* SST64-0125  
(Turn On The Light)

Molaetsa wona, ka Moena William Marrion Branham, o rerilwe sethatong ka Senyesemane Moqebelo hoseng, Pherekong 25, 1964, bakeng sa borakefese ba Full Gospel Business Men's Fellowship International, Ramada Inn, Phoenix, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)